



Broj: 518/23

Datum: 6.4.2023. godine

Na osnovu osnovu člana 87. Pravila o izmjenama i dopunama Pravila JU „Sedma osnovna škola“ Ilidža, a u skladu sa članom 17. stav (3) i (4) Zakona o javnim nabavkama („Službeni glasnik BiH“, broj 39/14 i 59/22) Školski odbor Javne ustanove „Sedma osnovna škola“ Ilidža, na svojoj 18. sjednici održanoj dana 6.4.2023. godine d o n o s i:

POSEBNU ODLUKU

o pokretanju postupka javne nabavke

Član 1.

Ovom posebnom odlukom odobrava se pokretanje postupka javne nabavke usluga organizacije *Škole u prirodi* za učenike IV - četvrtih razreda JU „Sedma osnovna škola“ Ilidža.

JRJN oznaka predmeta nabavke: 63510000-7

JRJN naziv predmeta nabavke usluga: – **Usluge putničkih agencija i slične usluge**

Predmet nabavke nije podijeljen na lotove.

Član 2.

Procijenjena vrijednost javne nabavke (bez PDV-a) iznosi 14.547,00 **KM** bez PDV-a.

Predviđa se zaključenje ugovora sa izabranim ponuđačem, po okončanoj proceduri nabavke.

Za provođenje javne nabavke **sredstva** su obezbjeđena u budžetu Ministarstva za odgoj i obrazovanje Kantona Sarajevo za 2023. godinu.

Proceduru javne nabavke provest će škola kao ugovorni organ, dok će plaćanje, po okončanom postupku i podnesenom izvještaju, izvršiti Ministarstvo za odgoj i obrazovanje KS.

Član 3.

Javna nabavka će se provesti putem **konkurentskog zahtjeva za dostavu ponuda**.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

Okvirni datum pokretanja postupka javne nabavke je 6.4.2023. godine.

Član 4.

Ova odluka stupa na snagu danom donošenja.

Obrazloženje

Pri donošenju posebne odluke o pokretanju postupka javne nabavke usluga organizacije *Škole u prirodi* za učenike četvrtih razreda, Ugovorni organ se posebno rukovodio činjenicom da je predložena nabavka neophodna, jer se radi o obaveznom obliku odgojno-obrazovnog rada sa djecom, te da je potrebno pokrenuti postupak u što kraćem vremenskom periodu kako bi se ista mogla organizovati i realizovati u toku drugog polugodišta školske 2022/2023.

Sredstva za ovu nabavku su obezbijedjena u budžetu Ministarstva za odgoj i obrazovanje Kantona Sarajevo za 2023. godinu, te u skladu sa Zaključkom Vlade Kantona Sarajevo, broj: 02-04-2765-26/23 od 02.02.2023. godine, Škola je obavezna da provede postupak javne nabavke, a Ministarstvo za odgoj i obrazovanje KS će izvršiti plaćanje po okončanoj proceduri i nakon dostavljene potrebne dokumentacije. Ministarstvo je dopisom broj: 11/03-34-7041-21/21 od dana 07.03.2023. godine obavijestilo škole da su, na osnovu izvršenog istraživanja tržišta od strane škola i prikupljenih prijedloga cijena, u prijedlogu Budžeta Kantona Sarajevo za 2023. godinu planirana sredstava u iznosu najviše 230,00 KM (sa uključenim PDV-om), po učeniku na osnovu čega je i utvrđena procijenjena vrijednost nabavke (72 učenika i 2 nastavnika – 74x196,59 KM bez PDV-a).

Članom 17. stav (1) Zakona o javnim nabavkama BiH („Službeni glasnik BiH“, broj 39/14 i 59/22) je predviđeno da ugovorni organ započinje postupak javne nabavke ako je nabavka predviđena u planu nabavki.

Izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki.

Posebna odluka o pokretanju postupka javne nabavke sadrži podatke iz Plana nabavki.

S obzirom da još uvijek nije donesen Plan nabavki za 2023. godinu, a uzimajući u obzir hitnost i važnost provođenja predmetnog postupka, Ugovorni organ je donio posebnu odluku o pokretanju postupka javne nabavke u skladu sa članom 17. stav (3) i (4) Zakona o javnim nabavkama BiH.

Na osnovu naprijed utvrđenog činjeničnog stanja, odlučeno je kao u članu 1. ove odluke.



Dostavljeno:

1. Oglasna ploča i web stranica škole;
2. U evidenciju škole.